



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Index Personarum Visitandarum. §. VII.

**urn:nbn:de:hbz:466:1-9534**

- miliū personarum, de quibus nosse debet Episcopus.
- 33 Et hæc omnia paranda erunt respectiue ab omnibus visitandis.
  - 34 Alia sunt paranda à quolibet de Clero, vt Ordinum instrumenta, Beneficiorum item; tum facultates datæ pro audendis Confessionibus, Concionibus habendis, Missa certo loco celebranda, habitandi cum laicis, ancillave, seu extra ædes Ecclesiasticas, locandi alijs eadē, exponendi capulam pro elemosynis.
  - 35 Tum libri personales, qui solent præscribi Ecclesiasticis, Missale, Breuiarium, Calendarium, Volumen Bibliorum, Homiliarum, Catechismus Roman. & eiusmodi.

Index locorum ab Episcopo Visitandorum. §. VI.

- 1 **C**onfici curet Episcopus à Cancellario Episcopali locorum indicem visitandorum, quem in visitatione perficiet indicē, de quo supra §. præc. n. 19. & 20.
- 2 Hæc autem sunt de eiusdem immediata iurisdictione, & primo Ecclesia Cathedralis.
- 3 Ecclesiæ collegiatæ, cum ædibus Canoniorum.
- 4 Parochiales, cum ædibus Parochorum,
- 5 Beneficiatæ.
- 6 Quæcunque aliæ; etiam Sacella, Oratoria, vbi celebratur Missa, & Confratriæ Trid. sess. 22. cap. 8.
- 7 Item ea Oratoria, quæ sunt in vijs, & vbi non celebratur Missa.
- 8 Hospitalia, & loca pia. sess. 22. cap. 8. & Collegia quæcunq; ibid.
- 9 Monasteria Monialium sub Ordinario.
- 10 Alia sunt loca cum limitatione visitanda: nimirum.
- 11 Monachorum & regularium Ecclesiæ, vbi est animarum cura. Trid. sess. 7. cap. 7.
- 12 Monialium Monasteria sub Regularibus, quoad clausuram. Trident. sessione 25. c. 5.
- 13 Ecclesiæ, quæ sunt nullius Diocesis, à viciniore Episcopo visitantur, sess. 24. cap. 9.
- 14 Monasteria virorum, vbi non viget regularis obseruantia. sess. 21. cap. 8.
- 15 Beneficia quæcunque, & qualiterumque commendata. sess. eadem.

ANNOTATIONES.

**C**irca primum. Nota ordinem Indicis locorum fieri iuxta diuisionem ciuitatis per Quarteria, seu Portas, seu Regiones, Diocesi vero per Vicariatus, seu Plebanias.

*Circa 8. non sunt visitanda Hospitalia, & pia loca, quæ sunt immediate sub protectione Regum, ex Trid. sess. 22. c. 8. neque ea, in quibus aliter est cautum in fundatione, & expresse contra Episcopum. Collegia vero instituta pro sustentatione studentium pauperum sunt loca pia. Vide Garf. de Benef. par. 5. c. 1. num. 612. si aliquod oriatur dubium, visiter Episcopus tanquam Sedis Apost. delegatus, ex eodem ibid.*

*Circa undecimum, visitari debent etiã Ecclesiæ curatæ Equitum Hierosolymitanorum, ex Decl. Sacra Congreg. 77. apud Vilagut loco cit. nu. 6. non autem vbi habitat Generalis Ordinis. ex Trid. sess. 25. c. 11. de regul.*

*Circa 13. Si dubitatur, quis Episcopus vicinior, in Conc. Provinciali debet fieri electio à Prælato illius loci de aliqua persona idonea, à qua ipse Ecclesiæ nullius diocesis visitentur, vt docet Fuscus lib. 2. cap. 8. nu. 2. & electione facta, non potest mutari à successoribus, ex Decl. Congreg. 7. apud Vilagut loco cit. nu. 7. ex Trid. sess. 24. c. 9. intellige de Ecclesijs secularibus. Distantia vero est mensuranda ab ipsa cathedrali Ecclesia, ex Decl. Congreg. ibid.*

*Circa 14. Visitari non debent Prioratus militum Hierosolymitanorum, ex sess. 7. cap. 8. §. vbi Equites. quod si vigeat obseruantia regularis, paterne monere debet Episcopus eorum Regularium superiores vt corrigant ea, quæ necessaria sunt, & si intra sex menses eos non correxerint tunc ydem Episcopi possunt visitare, & corrigere, ex Trid. sess. 21. cap. 8. Nunc temporis visitare possunt eas domos Regulares, in quibus duodecim non degunt, erectas post Decretum Sac. Congreg. de celebrat. Missarum 21. Iun. 1625.*

*Circa 15. comprehenduntur in Decreto Trid. etiam illa Monasteria commendata, quæ sunt perpetuo vnita alijs Ecclesijs, vel pijs locis, etiam si loca ipsa essent sub regulari protectione, ex Sac. Cong. sess. 21. c. 8.*

Index Personarum Visitandarum. §. VII.

- 1 **H**abeat Episcopus Indicem totius Cleri sui cum nominibus, & cognominibus iuxta locorum distinctionem, quem complere poterit indice prænotato supra §. 5. num. 23.
- 2 Sunt autem visitandi Abbates.
- 3 Canonici.
- 4 Plebani.
- 5 Parochi.
- 6 Beneficiati.



- 7 Sacerdotes.
- 8 Initiati sacris.
- 9 Clerici.
- 10 Moniales sua Ordinar.
- 11 Administratores locorum piotum.
- 12 Confratres.
- 13 Quæitores eleemosynarum.
- 14 Officiales curiæ Episc.

## ANNOTATIONES.

**C**irca 2. intelligo de Abbatibus secularibus exemptis.

Circa 3. non visitantur Canonici exempti à S. Sede Apostol. quod si procedat Episcopus extra actum visitationis generalis, eligi debent duo de capitulo, de quorum consensu procedatur, ex Trident. sess. 25. cap. 6. si nimirum Canonici sint exempti alios non exemptos visitat Episcopus prout voluerit: sed tamen in loco capitulari, seu alio commodiore, ut Sacra Congreg. respondit Episcopo Abulen. ad octauam.

Circa 6. Fuscus notat lib. 2. cap. 7. quod nomine beneficij intelligitur Canonica, Præbenda, Dignitas, Personatus, Vicaria, Præstimoniū, Pensio ad vitam assignata pro titulo: imò & beneficium de mensa, & Terra beneficalis, seu ruralis, cuiusmodi Neapoli habentur, quia scilicet orare oportet pro anima relinquentis, & capellania.

In Declarationibus S. Congreg. Concilii Tridentini excipiuntur à Visitatione subcollectores Camera Apostolicæ licet beneficiati in respons. ad Episc. Segobienf.

Circa 11. Pia Vniuersitatum loca non sunt obnoxia redditioni rationum Ordinario ex Declar. S. Congregat. neque Administratores Regulares tenentur reddere rationem Monasteriorum, licet pia loca dicantur.

Ratio quoque sumptuum Fabricæ Ecclesiasticæ, si aliter in institutione statutum sit, non est reddenda Episcopo Caterum, etsi alijs administratores reddere debeant, non tamen excluditur Episcopus, qui cum ijs unicum habet votum in eorum absolutione: alias non valet. Hac Sacra Congregatio, in Declarat. sess. 22. cap. 9. Vide, quæ diximus §. 6. circa octauam.

Circa 12. & 13. Fauet Trident. expressè in d. cap. 9. sess. 22.

Adde posse Episcopum visitare, & corrigere regularem extra monasterium degentem, etiã sui Ordinis priuilegijs prætextu munitum, ex Trident. sess. 6. c. 3. si tamen degerit sine licentia superioris, ut ibidem Sacra Congregatio, ex eodem Conc. sess. 15. c. 14. de regul.

Item posse punire cum regularem tanquam desertorem sui instituti qui sine mandato superioris in scriptis obtento, repertus fuerit extra conuentus suos etiam prætextu adeundi superiores ex Trident. sess. 25. cap. 4. nisi constet de notorio grauamine, ait F. Eman. to. 1. q. 30. art. 3. qui præced. quæst. art. 1. assert. Decretum Sacra Congregationis mitiorem in partem emanatum.

Ceterum in visitatione personarum satius erit si Episcopus solus cum Notario quæque examine, vel etiam in aliquibus sine Notario, ut maiori cum fiducia de absentibus loquantur emendandis.

## Index, &amp; Ordo agendorum in Visitatione. §. VIII.

- 1 **N**unc deueniendum est ad ipsam Visitationem, cuius ordo ex Pontificali Rom. est.
- 2 Recipiatur Episcopus, in locis insignioribus saltem, processionaliter. ut in Pontificali; non extra portam, ex Cærem. Episc. lib. 1. cap. 2.
- 3 In minoribus locis cum rochetto, & mozetta, osculo Crucis in porta Ecclesiæ, in censatione à digniore ex clero visitando, induto pluuiali albo.
- 4 Episcopus autem genuflexus quidem osculatur Crucem, sed stans cooperto capite incensatur.
- 5 Orat ante Altare; & apud Altare, quod osculatur, benedicit populo solemniter.
- 6 Si hora est, celebrat Missam, vel audit, excipit Clerum ad obedientiam cum osculo manus. in Missa sermonem habet, & communicat.
- 7 Sex facit in sermone, quæ habentur in Pontificali, sed arbitrio suo.
- 8 Fit confessio, & absolutio generalis cum Indulgentia post sermonem quam publicabit Canonicus, seu Parochus Ecclesiæ.
- 9 Induitur Episcopus amictu supra rochetum, stola, pluuiialis coloris nigri, & mitra simplici, & facit absolutionem Defunctorum Episcoporum, & aliorum, ut in Pontificali, siue per Ecclesiam, siue per cœmeterium procedendo, cum Cruce, candelabris, aqua benedicta, & incenso; Clero cantante Psalmos, & Responsoria.
- 10 Assumpta stola, & pluuiali albo, accensit, que intorticijs, visitat Sacrosanctam Eucharistiam, quam prius & postea incensat.
- 11 Depositis paramentis, visitabit Baptisterium Olea sacra, sedes confessionales, Reliquias Sacras; tum Altaria, Capellas, Sacras imagi-